

開闢傳疑

巾巾

紉

山

房

十

五

種

竹柏山房家刻總目序

竹柏山房者嘉慶癸酉先舅氏秋坪公所題余舊居齋額也公所居距余居不一里暇輒與先君子相過從談道講藝無虛日余以齋名爲請公曰左太冲詩峭蒨青葱間竹柏得其真子庭前有竹有柏可以名齋矣爲篆書竹柏山房以賜今四十餘年矣齋旣非舊竹柏無存而懸額仍從其舊志不忘也回憶曩時杖履追隨時從請業每有劄記公未嘗不欣然首肯以名山事業相期曾手賜所著四時對雪樓雜錄稿本二十四卷屬擇其要者存之今靈光久謝余髮亦如此種種不惟先輩典型不可復覩卽知交老友亦不一存將誰與爲質正耶諸所綴輯中年粗有成書輒不敢自信循檢再三積久悟非隨即修改甲午以

後始次第登梨每出一種必親自校讎期無掃葉之憾而後已此中甘苦得失自知卽刊後時有更定尤望知我者鑒其勤而匡所不逮也計前後四十年所刻二十餘種爲卷百四十有奇大小版一千九百三十片度以五架藏之山房其成之也不易其梓之也尤難物有聚散恐日久或致無稽也爰爲總目俾後人得世守勿失焉咸豐五年歲在乙卯春正月庚寅三山居士鑑塘識時年八十有一

竹柏山房家刻總目 外羅源縣志三十卷官刻不計

開闢傳疑二卷

道光乙未刊

古史紀年十四卷

道光丁酉刊

古史考年異同表二卷 有後說

道光戊戌刊

武王克殷日紀一卷

道光乙未刊

滅國五十考一卷

道光乙未刊

春秋經傳比事二十二卷

咸豐辛亥刊

戰國紀年六卷 前有輿圖後有年表

道光戊戌刊

竹書紀年補證四卷 有後案

道光庚子刊

孔孟年表二卷 有後說

嘉慶丙子刊

孔子世家補訂一卷

道光甲午刊

孟子列傳纂一卷

道光甲午刊

孟子外書補證一卷

後有考

咸豐甲寅刊

四書拾遺五卷

道光甲午刊

古書拾遺四卷

咸豐癸丑刊

開卷偶得十卷

道光己酉刊

宜略識字二卷

以下袖珍

嘉慶丁丑刊

識字續編一卷

共三種

道光丙申刊

論世約編七卷

共九種

嘉慶癸酉刊

閑居雜錄二卷

咸豐甲寅刊

新學入彀四卷

以下制義

嘉慶庚辰刊

菴峰課選大題十卷

咸豐癸丑編

菴峰課選小題五卷

咸豐癸丑編

菴峰課選古學二卷

道光丁未刊

咸豐癸丑旌鳳岐寫



中歲枉好道蹉跎已覺衰

雲烟妨過眼

素患不寐燈下常或親書

霜雪

評盈匙著述非心得行藏祇

自疑古人宗不朽今我欲何

為
咸豐四年歲在甲寅閏月

既望鑑塘老人自題

皇清賜進士出身中憲大夫四品卿銜翰林院編修重

瓊林鑑塘林公墓誌銘

先生諱春溥字立源號鑑塘承出九牧林氏先世由
莆田屢遷至省垣曾祖諱昌鵬公力學早世祖諱九
經公聞學生 贈奉直大夫父東峙先生諱兆泰公
乾隆己亥舉人高年碩德居鄉多教澤以子孫官累
得 封贈生三子皆貴顯先生其季也夙承庭訓弱
齡卽淹貫羣經長與伯仲以文鳴於時年二十三補
邑諸生旋以嘉慶戊午舉於鄉壬戌成進士改庶吉
士習 國書散館繙繹第一授編修丁卯與順天鄉
試同考聞母病疾馳歸遂丁內艱主玉屏講席累年
至丁丑還 朝供職戊寅 大考二等分校北闈

修國史教習庶吉士庚辰與會試同考

宣宗御極元年

召見乾清宮旋

派文淵閣校理復校北闈會東峙先生在

家有微疾聞信卽乞養歸侍奉杖履者八年既丁外
艱誓墓不出服除始赴南浦及鰲湖講席後移
閱十九年以老辭館時年已七十有八矣先是公建
義倉議敘晉五品銜咸豐己未重賦鹿鳴辛酉冬大
府以重遇來歲壬戌會試奏請預宴得

旨賞加四品卿銜准重赴恩榮宴

恩命到闕而先生已於舊臘捐館矣先生寡嗜欲而篤性
行當其陳情乞養在館職資已深行見駸駸日起同
朝多婉留之而先生遽歸不顧其至性實有過人者

既歸則課子姪以承先志而皆底於成科名踵相接
他若修祖塋訂支譜及周卹族之窮者瘞者其類不
勝書而要皆推廣不匱之義者也先生之學以守約
爲宗以實事求是爲務自倫紀之大以及應事接物
一衷諸道無所苟家居日門生故舊宦聞來問俗者
必詳告以地方利弊而語不及私當路諸巨公益推
重之其著述貫串百氏浩乎莫測其涯涘而皆要於
精當人謂先生得宋學之醇而兼漢學之博者教人
務敦本重立品衡文亦必以法度四校 京闈所得
多佳士在鰲峰最久匠成者蓋不下數百輩焉所刻
有竹柏山房十五種行世未刻者若干種所著書皆
自序中年游心養生運氣之法故耄耄而精神不衰

當重赴秋宴時觀者如堵咸謂神仙人也生於乾隆
四十年十一月初五日卒於咸豐十一年十二月十
六日壽八十有七元配龔恭人繼配龔恭人皆恭順
有淑德先卒子三懋勳道光壬午舉人丙申進士禮
部卽補員外郎懋烈辛卯副貢生甲午舉人候補國
子監學正加助教銜均前夫人出懋杰閩縣學優增
生先卒後夫人出孫七齊韶咸豐辛亥舉人候補內
閣中書祚曾壬子舉人祐曾同治壬戌副貢生候補
訓導齊翔閩學生祇曾郡學生齊霄閩學生齊衡曾
孫五女一孫女六曾孫女九擇對皆名門以同治二
年四月九日葬先生於西關外後賢山之陽敬爲銘

曰

峩峩烏石靈秀攸鍾大雅宏達文學是宗樹望清華
著作之林德老益劭學邃以深睠睠南陔孝思不置
進退有餘無忤無愧匪直潤身教澤孔長匪直榮身
俾壽而康旣賡鹿鳴春榜重逢皤皤人瑞福厚澤醲
如見松柏挺然隆冬爲邦家光爲子孫慶梁木其摧
哲人長往爛漫雲書照耀泉壤勒石崇阡流風載響
經師人師奕世咸仰
賜同進士出身中憲大夫前廣西鹽法道翰林院檢討宗
館後學士傅撰文

衛光乙未

開闢傳疑

竹柏山房開雕

